

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

8. Cur ei sacra olea?

[urn:nbn:de:hbz:466:1-68709](#)

*Ægidáque horrificam, turbatæ Palladis arma,
Certatim squamis serpentum, auróque polibant :
Connexósque angues, ipsámque in pectore Divæ
Gorgona, defecto vertentem lumina collo.*

Dictus est hic clypeus *Ægis*, per catachresin : nam ita vocabatur scutum Jovis, e pelle caprina factum, obtinuitque consuetudo, ut deorum scuta vocarentur *egides*. Hunc suum Pallas clypeum ubi concutiebat, mirifico terrore percellebat eos, contra quos in bellum gradiebatur, aut potius invehebatur. *Ægidi* huic similis est *eloquentia*, cum egregia doctrina & virtute conjuncta ; quibus partim obarmatur sapientis viri pectus ; partim instar clypei, non quidem manu, sed lingua vibratur, ut, quod de Pericle Atheniensium Duce fertur, *tonare* videatur & *fulminare*. Ita concussit eloquentia sacræ *ægidem* Doctor gentium Paulus, quo disputante de justitia & castitate, & de judicio futuro, tremsactus Felix, Præses Romanus, omnibus artibus cohorrescebat. Actor. 24.

VIII. (b) Oleæ quoque inventrix Pallas dicitur. De qua Phædrus, Augusti Cæs. libertus, eleganter lib. 3.

Olim, quas vellent esse in tutela sua,
Divi legerunt arbores. *Quercus* Jovi,
Et *myrtus* Veneri placuit ; *Phœbo laurea* :
Pinus Cybelæ : *populus* celsa Herculi.
Minerva admirans, quare steriles sumerent,
Interrogavit. Caussam dixit Juppiter :
Honore fructum ne videamur vendere.
At mehercule narrabit, quod quis voluerit,
Oliva nobis propter fructus est gratior.
Tunc sic deorum genitor, atque hominum Sator :
O Nata, merito sapiens dicere omnibus :
Nisi *utile* est, quod facimus ; stulta est gloria.

Olea est pacis Symbolum. Æneid. 9.

Paciferaque manu ramum prætendit olivæ.

Hinc oleæ ramusculus quondam in manu Mercurii : nam bella geruntur, ut pax sequatur. Pallas & oleam præfert, & hastam, docetque, in ipsa præsidium pacis per mitiores artes : & robur belli per arma esse repositum. Olea præterea sapientiae & castitatis Symbolum refert, teste Pierio hierogl. 53. c. 16. Hinc Minerva virgo merito sibi adsciscit oleam ; cum non minus olea, quam Minerva, delectetur puritate ac pudicitia.

Scriptores

(b) Olea Minervæ sacrata.

Scriptores rei rusticæ jubent olivam, cùm plantatur & legitur, à mūndis pueris atque puellis tractari. Marcus Varro afferit, oleam sterilescere, si capra primū germinantem tetigerit. Oleæ materies æterna est, quam neque tempestas, neque caries, neque vetustas labefactat. Nimirum Palladiorum virorum memoria nunquam intermoritur. Quod sibi Poëtae, Historici, Oratores, Philosophi pollicentur. Ex iis Ovidius in epilogo Operis sui Metamorphosewv. (i)

Jámque opus exegi, quod nec Jovis ira, nec ignes,
Nec poterit ferrum, nec edax abolere vetustas.
Cùm volet illa dies, quæ nil nisi corporis huius
Jus habet, incerti spatum mihi finiat ævi.

Parte tamen meliore mei super alta perennis
Astra ferar, noménque erit indelebile nostrum.

Similis est conclusio Horatii lib. 3. Ode ult.

Exegi monumentum ære perennius,
Regalique situ Pyramidum altius,
Quod non imber edax, non Aquilo impotens
Possit diruere, aut innumerabilis
Annorum series, & fuga temporum.
Non omnis moriar, magnaque pars mei
Vitabit Libitinam; usque ego postera
Crescam laude recens.

Eundem in modum loquitur Seneca in Consolat. ad Polybium, cap. 21. Id egit ipse (Polybii fratrem intelligit) ut meliore sui parte duraret, & compositis eloquentiæ præclaris operibus, à mortalitate se vindicaret. Quamdiu fuerit ullus litteris honos, quamdiu steterit aut linguae Latinæ potentia, aut Græcæ gratia, vigebit cum viris maximis, quorum se ingenis vel contulit: vel, si hoc eius verecundia recusat, applicuit. Huc refer illud Sapientis pronuntiatum Prov. 16. *Fons vite, eruditio possidentis: doctrina stultorum fatuitas.* Eruditio, id est, Sapiencia, & intelligentia est illis (qui possident eam) *fons vite*, quia, velut scaturigo semper profluens, nec unquam deficiens, subministrat eis assiduè, unde & ipsi semper vivant, & alii per ipsorum doctrinam. Contraria indœcti & insipientes nec sibi profundunt, nec aliis: *fuerunt, quasi non essent, gemina morte, corporis, nominisque sepulti.*

Equidem si in Olympico curriculo victores oleastro coronabantur, quid ni vītricem mereantur olivam, qui in stadio litterarum, alios ingenio atque

(i) Olea symbolum Litteratorum.

atque doctrinā præcurrunt? An vero, quod Venusinus canit Ode 1. lib. 1. Tanti est, pulverem Olympicum colligere, & metam fervidis evitare rotis, ut, qui eā palmā potiuntur, ad ipsos videantur deos evecti; Et non potius illi cælum sublimi feriant vertice, superisque misceantur dies, quos sive oleagina, sive hederacea, aut laurea ferta secernunt populo, & inter Minervæ Clientes, ac Proceres statuant?

Olea, eam quoque ob caussam, huic deæ attributitur: quia oleum servit Musarum Cultoribus ad vigilandum de nocte, & ad elaborandum beneficio lucernæ, quod Latini lucubrare dicunt: hinc oleum, Palladins appellatur liquor. Et juxta adagium, lucernam olet, quod meditatio, multoque studio elucubratum. Elogium Demosthenis est, quod plus olei, quam vini absumperit: erat enim abstemius, & ὑδροτόνος. Scimus Cleanthis Philosophi, & Aristophanis Poëtæ Comici, lucernam celebrari, indéque haustum diligentiae proverbium. De priore traditur, illum, quæ à Zenone magistro audierat, ossibus boum, & testarum fragmentis prescribere solitum, cum pecunia non suppeteret ad chartas emendas. Epicteti Philosophi Stoici fictilis lucerna tanti aestimata est, tribus ut drachmarum, seu duodecim sexteriorum millibus, id est, trecentis nonaginta tribus florenis Rhenanis venderetur. Longè laudatissimum est (juvat enim in hoc argumenta, quod nobis maximè tractandum sumplimus, non nihil excurrere) quod de Theodosio Juniore Imp. scribitur, eum historias Græcas, Latinasque assidue evoluisse; tam pertinaci in litteris studio, ut, cum diem militaribus aut civilibus occupationibus daret, noctem iis seponeret; Quin & candelabrum affabre strui sibi curasse, ut oleum sponte ad lychnum perveniret, ac suppeteret; ne vel interpellaretur lectio, vel ministri cum vigilante (o humanitas!) vigiles essent. Lipsius in Monit. Pol. lib. 1. c. 8. Atque hæc etiam caussa est, quod Noctua, sive Nycticorax, noctis avis, Minervæ sacra sit, quæ nocturnas, ut diximus, lucubrationes amat. Theodosius profectò pulcherrimo litterarum & armorum commercio, Palladis simul mitioris, simul severioris commercia conjunxit; dum diem ægidi Palladiæ, noctem libro, alitique perspicaciōri per tenebras impendit, & sacravit. Id quod etiam de Carolo M. memoratur. Et multis ante hos saeculis Epaminondas (quod Justinus scribit lib. 5.) in utroque studio clarus extitit; quem secutus est Alexander Macedo, Julius Cæsar, aliisque, qui sceptris ac coronis clari, Palladis armatae ac pacatae studia sociarunt. Pro Symbolo servit id, quod Cicero in orat. pro Archia Poëta refert, Eulvium Romanum Duceam, qui contra

contra Ætolos, Ennio comite, bellavit, Martis manubias Musas conse-
crasse.

IX. (i) Minerva, quod diximus, Virgo est, & Musæ sunt virgo-
nes. In litteris divinis Mundis corde promittitur *aspéctus Dei*. Matth. 5.
quæ opinio ab Ethnicis quoque imbibita, negantibus, aliis, quæ pudi-
cis oculis posse Deum videri. Et videtur id natura in apibus docere vo-
luisse, in quibus ingenium ac solertia cum virginitate conjuncta est.
Taceo Nazianzenos, Thomas Aquinates, Catharinas, Joannes Evangelisti-
tas, & innumeros alios, in quibus flos castitatis cum flore doctrinæ cer-
tavit. Nec frustra narrant fabulæ, *Tiresiam*, vatem Thebanum excæca-
tum fuisse, quod aciem mentis hebetârit, dum oculos partum pudicos ad-
jecerit ad Minervam, in *Hippocrene*, Heliconis fonte lavantem. Facit
ad propositum, sacrum proverbium: *Qui diligit cordis munditiam, ami-
cum habebit Regem.* Prov. 22. Supremum scilicet rerum Dominum, qui cùm sic
spiritus purissimus, amat sibi similes. *Sus Minervam*, adagio fertur, non
ideò tantum, quod illitteratis nullum certamen sit cum doctis suscipi-
endum; sed quia nihil est commercii castissimæ deæ cum porcis, in cœ-
num libidinis abjectis. De Gregorio Nazianzi Præsule (quem laudavi-
mus) historiæ recensent, ei pariter sese videndas, & domum ducendas,
Sapientiam ac Castitatem, virginum formâ ac habitu obtulisse, adeo soro-
res hæ mutuo delectantur consortio. Jam quid stolidius, quæ quod
Marco Antonio, illi Triumviro Romano, Athenieses Minervam suam
magna cum dote desponderint? *Senec. lib. 1. Suasoriar.* Et an major
ulla fatuitas, quæ Domitianum, testante Suetonio c. 22. Minervæ fi-
lium dici, credique voluisse, omniaque ex eius deæ agere consilio? sed
ō monstra scelerum! quid vobis impurissimum libidinum mancipiis est ne-
gotii cum dea integerrima? Claudio hæc cum voto, adversus lascivum
Cupidinem, & recino illud. *Æneid. 11.*

Armipotens belli præses, Tritonia Virgo,
Frangè manu telum Phrygii prædonis, & ipsum
Pronum sterne solo!



Z Z Z

SYM.

(k) *Sapientia & Castitas Scelerum.*